

Bijaksana dalam penggunaan air



MARILAH kita meningkatkan ketakwaan kita kepada Allah Subhanahu Wata'ala dengan penuh keyakinan dan keikhlasan dengan melakukan segala suruhan-Nya dan meninggalkan segala larangan-Nya. Mudah-mudahan kita menjadi insan yang beriman dan bertakwa serta selamat di dunia dan selamat di akhirat.

Sesungguhnya Allah Subhanahu Wata'ala Maha Pengasih lagi Maha Penyayang kepada hamba-hamba-Nya dan Allah Subhanahu Wata'ala juga telah menganugerahkan nikmat yang terlalu banyak dan tidak terkira kepada hamba-hamba-Nya, sebagaimana firman Allah Subhanahu Wata'ala dalam Surah Ibrahim, ayat 34 :

Tafsirnya : "Dan Dia telah mengurniakan kepada kamu segala apa yang kamu pohonkan kepada-Nya, dan jika kamu menghitung nikmat Allah tentulah kamu tidak terkira banyaknya."

Antara nikmat yang dikurniakan Allah Subhanahu Wata'ala adalah air. Air merupakan sumber kehidupan yang paling berharga dan sangat diperlukan. Cuba bayangkan tanpa adanya air, kita mungkin tidak dapat meneruskan kehidupan ini. Oleh itu, air memainkan peranan yang sangat penting kepada semua makhluk ciptaan Allah Subhanahu Wata'ala, firman Allah Subhanahu

Wata'ala dalam Surah Al Anbiyaa, ayat 30 :

Tafsirnya : "Dan tidaklah orang-orang yang kafir itu memerhatikan bahawa langit dan bumi kedua-duanya dahulu bercantum (satu), lalu Kami pisahkan kedua-duanya. Dan Kami telah menjadikan tiap-tiap sesuatu yang hidup itu daripada air. Maka tidakkah mereka mahu beriman?"

Alhamdulillah, kita sangat beruntung kerana negara kita Brunei Darussalam dikurniakan dengan sumber air bersih yang mencukupi untuk kegunaan rakyat dan penduduk serta aktiviti-aktiviti sosio-ekonomi seperti pertanian, perikanan perindustrian dan seumpamanya. Hampir keseluruhannya penduduk di negara ini dapat menikmati bekalan air paip yang bersih. Pihak Kerajaan Kebawah Duli Yang Maha Mulia melalui Jabatan Perkhidmatan Air, Jabatan Kerja Raya telah menyediakan prasarana dan kemudahan yang bernilai ratusan juta ringgit untuk membersihkan, merawat dan membekalkan air ke rumah-rumah dan premis-premis di negara ini. Menurut kajian dan statistik daripada Jabatan Perkhidmatan Air, penggunaan air di Negara Brunei Darussalam adalah antara yang tertinggi di rantau ini. Penggunaan air di rumah-rumah adalah dianggarkan sejumlah lebih dari 420 liter sehari setiap seorang. Iaitu menyamai sebanyak 280 sebotol air berukuran 1.5 meter. Manakala penggunaan air di negara-negara dianggarkan lebih kurang 200 ke 250 liter sehari setiap orang-orang. Perbezaan ini menunjukkan

pemakaian air di negara ini adalah jauh lebih tinggi dan penggunaannya adalah tidak terkawal. Ketahuilah pada masa ini dianggarkan lebih dari satu bilion orang yang tidak mempunyai kemudahan bekalan air bersih di seluruh dunia dan jumlah ini dianggarkan meningkat kepada 2.6 billion orang orang pada tahun 2025. Perkara ini sangat membimbangkan jika kita tidak mengambil langkah-langkah penjimatan air.

Dalam menjalani aktiviti harian seperti penyediaan makanan, minuman, memasak, mencuci, menyiram tanaman, mandi dan bersuci seperti berwuduk dan sebagainya. Kita seharusnya menggunakan air dengan kadar yang sepatutnya dan janganlah berlebihan-lebihan atau membazir. Rasulullah Sallallahu Alaihi Wasallam adalah contoh yang terbaik dalam penggunaan air. Sebagaimana yang diceritakan oleh Anas Radiallahuanhu :

Maksudnya : "Daripada Anas Radiallahuanhu dia berkata : Bahawasanya Nabi Sallallahu Alaihi Wasallam berwuduk dengan air satu mud dan mandi dengan air satu sok hingga lima mud." (Riwayat Imam Al-Bukhari)

Berdasarkan daripada hadis tersebut, sama-samalah kita menggunakan air secara berhemah dan berjimat cermat. Elakkan penggunaan air secara berlebihan dan membazir kerana ia boleh merugikan kepada individu mahupun kepada negara. Sebagai pengguna kita harusnya peka, perhatian serta bertanggungjawab dan memberikan

kerjasama dalam menangani pembaziran air seperti melapor dengan segera kepada pihak-pihak tertentu jika berlaku kebocoran paip air dan seumpamanya.

Selain itu, sebagai pengguna yang bertanggungjawab hendaklah mengambil perhatian yang sewajarnya dengan memantau penggunaan air melalui tuntutan bil air dan menjelaskan setiap tuntutan bil-bil dalam tempoh yang ditetapkan. Jangan dilalaikan, kerana ia akan membuatkan jumlah tuntutan semakin meningkat dan akhirnya menjadi beban dan tanggungan hutang yang banyak. Rasulullah Sallallahu Alaihi Wasallam bersabda :

Maksudnya : "Daripada Abu Hurairah Radiallahuanhu, Rasulullah Sallallahu Alaihi Wasallam bersabda : Jiwa orang mukmin terhalang oleh hutangnya sehingga hutang itu dibayar." (Riwayat Ibnu Majah)

Sesungguhnya air sangat berharga dan diperlukan untuk kehidupan seharian dan kita sebagai pengguna hendaklah mengamalkan sifat berjimat cermat dalam menggunakan kerana agama Islam menggalakkan umatnya untuk berjimat cermat dan melarang keras sifat membazir. Oleh yang demikian, marilah kita menggunakan air dengan mengikut kadar keperluan sahaja dan ini secara tidak langsung akan dapat mengurangkan perbelanjaan kerajaan untuk membersihkan, merawat dan membekalkan air untuk kita gunakan setiap hari dan akan dapat mengurangkan jumlah tuntutan bil air kita pada setiap bulan. Di samping itu, marilah kita mensyukuri dan menghargai segala nikmat yang telah dikurniakan Allah Subhanahu Wata'ala dan sama-samalah kita berdoa mudah-mudahan nikmat tersebut berkekalan dan terus kita nikmati. Amin Ya Rabbal Alamin.

Surah Al Waaqi'ah, ayat 68 - 70 :

Tafsirnya : "Tidaklah kamu perhatikan air yang kamu minum? Adakah kamu yang menurunkannya dari awan sebagai hujan atau Kami yang menurunkannya? Kalau Kami kehendaki Kami jadikan ia masin makan mengapakah kamu tidak bersyukur?"

SEBAGAI pengguna yang bertanggungjawab hendaklah mengambil perhatian yang sewajarnya dengan memantau penggunaan air melalui tuntutan bil air dan menjelaskan setiap tuntutan bil-bil dalam tempoh yang ditetapkan. Jangan dilalaikan, kerana ia akan membuatkan jumlah tuntutan semakin meningkat dan akhirnya menjadi beban dan tanggungan hutang yang banyak.

Kedutaan Oman hargai kerjasama erat UNISSA

Siaran Akhbar dan Foto : Universiti Islam Sultan Sharif Ali

BANDAR SERI BEGAWAN, Khamis, 23 Mac. - Duta Besar Istimewa dan Mutlak Kesultanan Oman ke Negara Brunei Darussalam, Tuan Yang Terutama Sheikh Ahmed bin Hashil bin Rashid Al-Maskari baru-baru ini meraikan 15 mahasiswa dari Fakulti Bahasa Arab, Universiti Islam Sultan Sharif Ali (UNISSA) pada Majlis Resepsi yang diadakan di premis Kedutaan Oman.

Majlis tersebut adalah sebagai penghargaan kepada para pelajar atas kerja sukarelawan dan membantu dalam pengendalian petak Kedutaan Oman semasa Pesta Buku Brunei yang diadakan dari 27 Februari hingga 7 Mac 2017 yang lalu.

Pada majlis tersebut, TYT Sheikh Ahmed menyampaikan sijil penghargaan kepada pelajar tersebut.

Dalam ucapan alu-aluannya, TYT Sheikh Ahmed Al-Maskari melahirkan penghargaan kepada para pelajar atas sokongan dan kerjasama baik yang diberikan.

TYT juga memuji kerjasama antara Kedutaan Oman dan UNISSA yang membuahkan hasil yang memuaskan; antaranya dengan memperuntukkan biasiswa tahunan

untuk empat pelajar Brunei dari Kolej Sultan Qaboos bagi Pengajaran Bahasa Arab kepada Penutur Bukan Asli dan pelancaran penerbitan sudut Oman, pada 29 Februari 2016 di Perpustakaan UNISSA.

Sebagai tanda penghargaan, TYT turut menyumbangkan 108 buku kepada Perpustakaan UNISSA, sebagai usaha berterusan Kedutaan Oman ke arah memperkayakan penerbitan Sudut Oman, dengan terbitan terbaru karya sarjana-sarjana terkemuka Oman.

Menurut TYT, sudut Oman tersebut kini mempunyai lebih daripada 500 buah penerbitan Oman, termasuk penerbitan terkini daripada sejarah Oman, geografi, kesusasteraan dan budaya sehinggalah dalam disiplin akademik linguistik bahasa Arab, perundangan Islam dan fahaman keagamaan.

Sementara itu, Rektor UNISSA, Dr. Haji Norarfan bin Haji Zainal, dalam ucapan balasnya pula melahirkan penghargaan kepada pihak Kedutaan kerana memberi peluang pelajar UNISSA untuk melakukankerja-kerja sukarela, serta mengucapkan terima kasih atas sumbangan buku-buku berkenaan.



DUTA Besar Istimewa dan Mutlak Kesultanan Oman ke Negara Brunei Darussalam, Tuan Yang Terutama Sheikh Ahmed bin Hashil bin Rashid Al-Maskari meraikan 15 mahasiswa dari Fakulti Bahasa Arab, Universiti Islam Sultan Sharif Ali (UNISSA) pada Majlis Resepsi yang diadakan di premis Kedutaan Oman. Juga hadir pada majlis itu ialah Rektor UNISSA, Dr. Haji Norarfan bin Haji Zainal.

Turut hadir pada majlis itu ialah Mohammed Hussain bin Pehin Fakulti Bahasa Arab, Dr. Siti Sara Timbalan Rektor UNISSA, Dr. Haji Penyurat Haji Ahmad dan Dekan binti Haji Ahmad.